

Jém wiñtipic carta jém ijáyayñewiip Pablo jém Timoteo

Jém Pablo ijáyaypa jém Timoteo

1 Ich aPablo. Jém tánQmi Jesucristo accám iga aapóstol. Acutsat juuts ipiimý tanJatuᵇ Dios jém taciacputpáppic. Acutsattim tánQmi Jesucristo jém tanaᵇjóctampáppic. ²Siip manjáyaypa miTimoteo. Mich michíyapa juuts annuntamanic porque iᵇcupicne jém wibic aᵇmaᵇi jém manamíñayñewiip. Siip tanJatuᵇ Dios con tánQmi Jesucristo miyoxpátpa iga wᵇtsfyiñ jém iñanama. Miyaachanjampa. Michiiba jém wibic paz iga odoy iniidiñ jém cobacpiji.

**Wi iga taᵇwogáyíñ jém
iᵇquejyájpáppic jém migooyi**

³Wiñic cuando danam anicne jém naxyucmi Macedonia, manmáay iga yim michíyapa jém atebet Efeso. Aᵇmadaayi jém tantiwitam jém dápic iwicutiyyiñe jém Dios iᵇmaᵇi iga odoy iᵇmadayyajiñ jém tungac aᵇquímayooyi jém migooyipic. ⁴Nímaayítim jém tantiwitam iga odoy iᵇquejyayajiñ jém pixiñtam jém wiñicpic jixi porque je puro jixquiimi,

tamigóyaypa. Nímaayítim iga odoy iᵇquejáyíñ jém tantiwitam iga iᵇisyajpa jém wiñicpic itúmmiyaj juuts tum dios. Porque jém wiñicpic jixi da tayoxpátpa. Más wi iga tanaᵇquejáyíñ jém Dios iᵇmaᵇi iga jém pixiñtam wiañ icutiyyiyaj jutpic icupicyajpa Dios.

⁵Pero siip manmámaytámpa tí ansuntámpa. Aᵇwianjam iga minitoýfamtaiñ con itumpiy jém tantiwitam. Siip wiaᵇ iᵇwat siiga cuáyñeum iñanama y siiga iniítta jém wibic jixi iñanamaᵇjom y siiga numa iᵇcupictámpa jém tánQmi Jesucristo. ⁶Algunos jém Efesopic pixiñtam iwattooba idic juuts ixunpa Dios, pero ocmi ichacpa jém Dios iᵇmaᵇi. Iᵇmattooba idic jém Dios iᵇmaᵇi, pero da icutiyyíyapa. Iñejaᵇmadáy jém pixiñtam. ⁷Tsíyfooba juuts tum maestro iga iᵇquejáyapa jém Moisés iᵇquímayooyi, pero da icutiyyíyapa tí iᵇmatpa. Tsam pimi najfyóyapa, pero da icutiyyíyapa tí nimpa.

⁸Tanᵇodonᵇtam iga wi jém Moisés iᵇquímayooyi. Dios ichac jém aᵇquímayooyi iga acᵇodonᵇtatap jém malopic pixiñtam iga taᵇcaíy.

⁹Dios da ichac jém Moisés

injuímayooyi para jém wibic pixiñfam. Tsacta jém anjuímayooyi para jém ďapic iwatyajpa juuts ixunpa Dios, jém ďapic icupicyajpa Dios, jém ijóyixyajpáppic Dios, jém táncaiywiip. Tsacta jém anjuímayooyi para jém malopic pixiñfam y jém ďapic ijisyajpa Dios, y para jém iccaayajpáppic ijatuŋ o iapa y para jém accaoyyajpáppic.

¹⁰Tsactatim jém anjuímayooyi para jém pejoyyajpáppic, jém pixiñ jém inúgaypáppic tum pixiñ juuts tum yomo, jém inúmpáppic tum tsixi o tum yomo iga ininicpa, jém iwatpáppic quejaj iga icumigóypa itiwitam, jém tamigóyaypáppic y itumpiy jém pixiñfam jém ďapic iwatyajpa juuts nimpa jém Jesucristo injuímayooyi.

¹¹Siip mannímáypa iga yíptim anjuímayooyi, jém wibic aŋmaŋi, achiñne Dios iga anaŋmadáypa jém pixiñfam. Agui wi jém tanJatuŋ Dios. Tanjucijíptampa siempre.

Dios tsam iyaachanjampa jém Pablo

¹²Siip anchiiba gracia tánQmi Jesucristo. Tsam pimi ayoxpátne iga wiap anaŋmat jém wibic aŋmaŋi. Acupiŋnetā iga aŋcuyoxap tánQmi Jesús porque iix iga da antsacpa jém wibic aŋmaŋi. ¹³Wiñic tsam pimi ammalnámáy jém tánQmi Jesucristo. Ammalwadáy y aŋcujij jém icupicneyajwiip Jesús. Pero ocmi Dios ayaachanjam porque ďanam aŋcupicne tánQmi Jesús. Da idic aŋcutiyyíypa, jeeyucmi ammalwatpa. ¹⁴Tsam pimi ayaachanjam jém tánQmi. Agui ayoxpátne iga wiap aŋcupic jém Jesucristo. Anjuejáy jútpic

tatoypa porque taichfam Cristo tamihichfam.

¹⁵Siip manañquejáypa tum numapic anjuímayooyi. Wi iga tanjucipictampa tantumpiyfam. Nimpa así: Oy ití yíp naxyucmi jém tánQmi Jesucristo iga iciacputyajiñ jém táncaiywiip. Ich aPablo más pimi atañcaiy que itumpiy jém pixiñfam. ¹⁶Pero ityajtim tsam jáyan jém pixiñfam jém ďapicnam icupicyaj jém tánQmi Jesucristo iga ipictsoŋyajpa jém vida ďapic cuyajpa. Jeeyucmi ayaachanjam Dios. Ich tsam jáyan táŋca aŋwat contra Dios, pero accáyáy jém antañca. Jempam Dios injuejáy itumpiy jém pixiñfam iga tayaachanjampa jém tánQmi Jesucristo. Da jobit tachiiba castigo.

¹⁷Tsam tanjucijíptampa tanJatuŋ Dios para siempre porque tsam pimi wi tanJatuŋ Dios. Je jém más mijpic aŋjagooyi, da nunca cuyajpa. Da wiap tánixta, pero tanjodoŋ iga da nunca caaba. Da i tungac Dios no más tanJatuŋ Dios, jém itwiip siŋyucmi. Jempigam tanjucipictampa.

¹⁸Siip miTimoteo, mammanic, manañquimpa iga seguido injwatpa jém Dios iyoxacuy. Wiñic jém Dios inmaŋciwiñ micupiŋ iga injcuyoxap Dios. Jesic jisí ti miñímáy jém aŋmaŋciwiñ iga injcamamwadiñ inanam. ¹⁹Odoy tsaci iga injcupicpa jém tánQmi Jesús. Siempre wati jém wítampic cosa juuts inñispa inañamanjom. Porque algunos jém tantiwitam da iwatpa jém wítampic cosa juuts ijispa inañamanjom. Jesic moj imalwat hasta ichac jém Dios inmaŋi.

²⁰Jempam iwatyaj jém Himeneo y jém Alejandro. Ocmi ançijjuçotyaj jém Wocciwiñ icijjom iga icutiyyiyajiñ iga ða wì tançujij jém tanJatuñ Dios.

Jutsap tanajwejpát Dios

2 Siip manchiiba jém wibic jixi. Wì iga tanwattámpa oración. Anjwejpáttaami Dios para itumpiy jém pixiñtam. Chiñ gracia Dios iga tachiiba tanyoxaji. Wágaayi Dios iga iyoxpádiñ itumpiy jém pixiñtam. ²Anjwejpáttaami Dios para jém tanajjagooyiyaj y para itumpiy jém iniitwiip algun cargo. Wágaayi Dios iga iyoxpádiñ jém anjagooyiyaj iga odoy idiñ jém pleito, iga ða ti idíyypa, iga wiap tanwat juuts ixunpa Dios, iga tawixítamiñ itumpiy jém pixiñtam. ³Dios taciaputta jeeyucmi iwianjam iga tanajwejpátámpa. ⁴Porque ixunpa Dios iga ciacputyajtaiñ itumpiy jém pixiñtam y iga acjodónayajtaiñ jém numapic anquímayooyi. ⁵Tum Dios it. Ða i tungac más Dios. Nada más it tum tacupujpáppic jém Dios iwiñjom, je jém Jesucristo, pixiñtam juuts taichtám. Ða i tungac tacupujpáppic. ⁶Jém Jesucristo iyaac nachiiñta iga accataiñ iga tajojáy tantánca. Jesic cuando núc jém jama, Dios tacjodóna iga taciaputtooba tantumpiytam. ⁷Jeeyucmi Dios acupij iga anajmadáyiñ jém tungac pixiñtam tiiga accataj jém Jesucristo. Dios acutsat juumi iga anajmadáyiñ jém ðapic je de Israel jutsap icupicyaj jém Jesucristo. Anacjodóna jém numapic anquímayooyi. Numa Dios acupij. Ða mammigóyápa.

⁸Jesic ansunpa iga cada lugar juñ anuumayajpa jém Dios ipixiñtam, injwejpátajaiñ jém tanJatuñ Dios, pero ða wì siiga tatáncafy. Ða wì iga tanajoyixtamtap con tantiwitam o iga tánatámpa. ⁹Ich ansunpa iga jém yomtam icutiyyiyajiñ juutspic tecxi iccámpa juuts ixunpa Dios. Wì iga iccámiñ jém tecxi juuts jém wítampic yomtam, ða juuts jém pejoyajpaap. Odoy iccámiñ jáyay jém cadena de oro ni jém nançsañ jém tsoowiywiip. Odoy iccámiñ jáyay jém wayanúccuy jém tsoyajpáppic iga cusúniytaiñ. Odoy iccámiñ jém puctucu jém tsoowiywiip iga agui ámtaiñ. ¹⁰Pero siiga Dios imiichi jém yomtam, jesic wì iga iwadiñ jém wítampic cosa. Jesic quejpa iga wibic yomo. ¹¹Wiap icuyucayaj jém Dios injmati jém yomtam. Pero iwícumatóniñ junimpa jém Dios injmatciwiñ. Odoy anmatmatneyajiñ cuando wattap jém culto. ¹²Ich ða anaccámpa tum yomo juuts maestro iga iccuyujpa jém pixiñtam. Ða wì iga tsíypa tum yomo juuts tum pastor iga injacpa jém pixiñtam. Más wì iga odoy jiyajiñ jém yomtam cuando itpa jém culto. ¹³Porque wiñti iwat Dios jém Adán. Ocmi iwat jém Eva. ¹⁴Ða i imigóyay jém Adán, pero migóyayta jém Eva, jesic moj iwat tánca. ¹⁵Pero Dios iyoxpátpa jém yomtam cuando icnappa tum tsixi siiga icupicpa Dios. Porque Dios iwianjam iga jém yomtam itóyiñ jém Jesucristo y iga iwadiñ jém wítampic cosa. Wì iga tsíyiñ juuts tum wibic yomo.

Juutspic pixiñ tanaccámpa juuts tum pastor

3 Numa jém anmati jém injmatnewiip jém pixiñtam.

Nimyajpa iga, Siiga tum p̄ixiñ iwianjam iga ts̄yfa juuts tum pastor iga injacpa jém Dios ip̄ixiñtam, jesic imétspa tum wibic yoxacuy. ²Siip manañquejáypa juutspic p̄ixiñ w̄i iga injacpa jém Dios ip̄ixiñtam: jém tumpic iyomo iniit̄, jém dápic icusún̄yfa jém malopic cosa, jém iw̄ixpáppic jém it̄iwitam, jém j̄ixīywiip, jém wiapaap inquej jém Dios in̄mat̄i, y siiga miñpa tum p̄ixiñ juumpic, icw̄iguiñ. ³Pero da w̄i jém ucpáppic p̄ixiñ ni jém cótsoypáppic. Da w̄i iga añayajpa con it̄iwitam. Más w̄i iga natooyajtaiñ. Dátim w̄i siiga icusún̄yáypa jém it̄iwitam ítumiñ. ⁴Ixunpa Dios iga jém pastor wiap injac ítumpiy jém ít̄yajwiip ít̄icciim y jém ich̄ixtam iwatpa juuts ip̄im̄yfa ijatuj. Da ijóyixpa. ⁵Porque siiga tum p̄ixiñ da wiap injac jém ít̄yajwiip ít̄icciim, jesic dátim wiap injac jém Dios ip̄ixiñtam. ⁶Da w̄i iga ts̄yfa juuts tum pastor jém yaguiñpic icupicne jém Dios in̄mat̄i porque wiap inicujíptā iyaac. Jesic Dios ichiiba castigo juuts jém Woccīwiñ cuando mu ichiit̄a castigo cuando minicujíptā. ⁷Tañcupiñpa tum wibic p̄ixiñ iga injaguiñ jém Dios ip̄ixiñtam, jesic jém dápic icupicneyaj Dios, iw̄ixyajpatim. Siiga da iw̄ixyajpa jeeyaj, jesic jém Woccīwiñ wiap icon̄w̄y iga icmalwatpa.

Juutspic p̄ixiñ jém diácono

⁸Siip mannímáypa juutspic p̄ixiñ jém diácono, jém icuyoxapáppic jém pastor. Dios ixunpa wibic p̄ixiñ, jém dápic migóypa. Da

iwianjam jém ucpáppic p̄ixiñ ni jém icusún̄yapáppic tumiñ. ⁹Dios ixunpa iga iw̄icupiguiñ parejo jém wibic añmat̄i jém Diospic tachiiñe. Da iwianjam jém inyamnewiip ít̄añca ianamanjom. ¹⁰Pero wiñti tanámcoñw̄yfa jém p̄ixiñ, tañcutitspa siiga wibic p̄ixiñ. Siiga da táñcafy, jesic wiap iwat jém yoxacuy. ¹¹Dios ixunpa iga jém p̄ixiñ iyomo wibictim yomo. Iw̄ixyajpa jém it̄iwitam. Da w̄i iga imalwatpa. Dátim w̄i siiga icujyfa jém it̄iwitam. W̄i jém yomo siiga siempre iwatpa juuts ixunpa Dios. ¹²W̄i siiga jém diácono iniidiñ tum jém iyomo. W̄i siiga jém ich̄ixtam con ítumpiy jém ít̄yajwiip ít̄icciim iwatyajpa juuts ip̄im̄yfa jém p̄ixiñ. ¹³Siiga jém p̄ixiñ iw̄iyoxpátpa jém pastor, jesic cujíptap. Jesic ocmi jém p̄ixiñ wiaptim in̄mat̄i jém tánQmi Jesucristo in̄mat̄i y da c̄iñpa.

Agui w̄i jém Dios in̄químayooyi

¹⁴Ich nictooba manjójáy jobit̄, pero wiñti manjójáyfa yíp toto. ¹⁵Jesic siiga da jobit̄ anúcpa, manacjodónap jutsap iwatyaj jém Dios ip̄ixiñtam juuts ixunpa Dios. Porque Dios ip̄ixiñtam jex juuts tum tic y Dios ichiiba jém wibic añmat̄i iga iccáyñ. Dios ixunpa iga iwadiñ cuenta jém wibic añmat̄i. Agui w̄i tanJatuj Dios jém vivopic. ¹⁶Agui tampoon̄añjamtámpa cuando tañcutīiyítámpa tí iwat Dios yíp naxyucmi:

Oy ít̄i yíp naxyucmi jém tanDios juuts tum p̄ixiñ, maayítim juuts taicht̄am. Dios iAnama tañquejáy iga n̄uma jém Cristo.

Jém siñyucmipic pixiñtam oy
iyoxpátayaj.
Jém tungac pixiñtam, jém ápic
je de Israel,
imatonyaj jém wibic añmafi.
Juťquej jém pixiñtam icupicyaj
jém tánOmi Cristo.
Jesic eybic naquímta siñyucmi.

**Jém pixiñtam jém ichacyajpáppic
jém Dios inmafi**

4 Jém Dios iAnama tanquejay
iga núcpa jém tiempo iga
jém pixiñtam ichacyajpa jém Dios
inmafi. Jesic mojpam iwatyaj
juuts inímáypa jém mal espíritu
jém tamigóyaypáppic. Icupicyajpa
jém Wocciwiñ inquímayooyi.
²Jém inimiññewiip jém migooyi
iwatpatim juuts tum wibic pixiñ
iga wiañ tamigóyáy. Tánixpa iga
quénam wibic pixiñ, pero puro
migooyi inisiiba. Da najamtap
iga malo. ³Inquejaypa jém
icuyujciwiñ iga tãñcafyapa tum
pixiñ siiga añcoomíyapa. Nimpatim
iga tãñcafyapa siiga iciispa algunos
jém wíccuy. Pero da wí jém jixi
porque Dios ichac itumpiy jém
wíccuy iga wí tançis. Siiga
wiñfi tanañwejpátpa Dios iga
tanchiiba gracia, jesic wiap tançis
cualquier jém wíccuy. Porque
tançupicneta jém tánOmi Cristo
y tançutiñiyñeta jém numapic
añquímayooyi. ⁴Siiga tanchiiba
gracia Dios, jesic da tatãñcafy siiga
tançispa cualquier jém wíccuy
porque wí itumpiy jém wíccuy
jém ichacnewiip Dios. ⁵Wítsacneta
jém wíccuy con Dios inmafi y con
oración, da tactãñcafyapa siiga
tançispa.

**Wí iga seguido tançuyujcaaba
jém Dios inmafi**

⁶Siiga mich ininquejaypa jém
tantiwitam jempic, jesic quejpa
iga inwícuyoxap jém Jesucristo.
Wí iga seguido inçuyujcaaba jém
Dios inmafi, jesic Dios miyoxpátpa
iga más inçutiñiyiñ jém wibic
añquímayooyi. ⁷Tsaci jém malopic
cuento, odoy añmadaayi porque
puro jixquiimi. Je jém wiñcpiç
jixi. Duro cuyujcai jém Dios
inmafi iga wiañ inwat juuts
ixunpa Dios. ⁸Siiga tum pixiñ
seguido yoxap, jesic inyujpa jém
iyoxacuy. Jesapim taichtam, siiga
seguido tançuyujcatámpa jém
Dios inmafi y tanwattámpa juuts
ixunpa Dios, jesic tanañuyjpatim.
Jesic más wiap tanwat juuts
ixunpa Dios. Siiga tanañuyjpa iga
tanwatpa juuts ixunpa Dios, je
tsam tayoxpátpa yíp naxyucmi
y tayoxpátpatim siñyucmi. ⁹Yíp
añquímayooyi je jém numapic,
da mammigóyáyapa. Wí iga
inçupictamiñ, iga inwattamiñ juuts
mannímáyapa. ¹⁰Jeeyucmi tsam
pimi ayoxatámpa, agui yaachap
añwatta jém Dios iyoxacuy porque
añcupictámpa iga jém vivopic
tanDios tawiwadáyapa juuts
tajyćamayñe. Porque jém tanDios
oy iyojáy itumpiy jém pixiñtam
ifãñca, jesic wiap iciiputyaj jém
pixiñtam jém icupicneyajwiip Jesús.
¹¹Siip miTimoteo, añquejaayi jém
impixiñtam yíp añquímayooyi.
Nímaayi iga icupicyajiñ. ¹²Siiga
algunos jém tsamipic miñimayajpa
iga: Agui michixiñam, jesic odoy
wadaayi caso. Siempre wíwati

jém tantiwitam iwiñjom, jesic cuando miixyajpa, ijodoñyaj tí ixunpa Dios. Odoy aḡmati jém ḡa wibic aḡmaḡi. Aḡquejaayi jém numapic tóyooyi. Siempre cupici títam tajycámayñe Dios. Odoy chíi lado jém malopic jixi iga micmalwatpa. ¹³Wati jém Dios iyoxacuy con íḡmpiy impimi hasta cuando anúcpa jemíc. Máyaayi Dios iḡmaḡi jém tantiwitam. Yoxpaati iga iwicutiyyiyajiñ tí ixunpa Dios. Aḡquejaayi parejo jém tánQmi iḡquímayooyi. ¹⁴Odoy tsaci jém wibic jixi jém michiiñewiip Dios. Jisi iga jutsa miimpictsoḡ jém wibic jixi cuando michiccunugáy iḡcobac jém pastoryaj. Jesigam miñímáy jém Dios iḡmaḡiwiñ iga Dios michiiba jém wibic jixi.

¹⁵Seguido wati jém wítampic cosa con íḡmpiy iñjixi, jesic miixḡap iga mástim wiabam iñyoxa. ¹⁶Cuidado iga immalwatpa. Odoy neja aḡmati jém Dios iḡmaḡi. Siempre wati jém wítampic cosa jém manaḡmadayñewiip. Jesic Dios miciaçputpa mimich y iciaçputpaḡim íḡmpiy jém imatoḡneyajwiip iniḡmaḡi.

**Chiiḡap jixi jém Timoteo
juḡpic iwatpa iyoxacuy**

5 Odoy wogaayi tum tsamipic pxiñ siiga imalwatpa. Aḡjijaci juuts tum iñjatun. Winanigaayifim jém pixiñtam jém ḡapicnam tsamiyaj juustim tum iñḡwi. ²Aḡmadaayi jém chomtam juuts tum iñapa. Aḡmadaayifim jém woñtam juuts iñuntatiwi. Odoy cusuniyi jém woñtam.

³Dios ixunpa iga tanyoxpádiñ jém cunoya, jém yompic, jém nunta icuḡumpigam, jém ḡapic inií i iyoxaáypa. ⁴Siiga jém cunoya inií imanic o iocmanic jém wiapaap iyoxpát, jesic aḡquimi iga iyoxpádiñ juuts ixunpa Dios. Jempigam tanyojpa jém tanjatun o tánapa iga táncaḡ matactsam. Siiga taḡwatpa jempic, jesic maymay Dios. ⁵Pero jém nunta cunoya, jém ḡampigam inií i iyoxaáypa, tsam iḡwejpátpa Dios iga Dios iyoxpádiñ. Seguido iwatpa oración tsuucim y siñi. ⁶Pero jém cunoya, jém ḡapic iwatpa juuts ixunpa Dios, icusúnypa jém malopic cosa. Tsýpa jém yomo juuts caane. ⁷Aḡquejaayi jém Dios ipixiñtam yip wibic aḡquímayooyi. Jesic wiap iwatyaj juuts ixunpa Dios. ⁸Siiga tum pxiñ ḡa iyoxpátpa jém ityajwiip iticciim, jém iñuntatiwítam, jesic quejpa iga ichacneum jém Dios iḡmaḡi. Jém pxiñ más táncaḡy que jém ḡapic icupicpa Dios.

⁹Jesic cuando iḡwatpa jém lista de jém cunoytam, jém yomtampic, odoy accaami en la lista jém ḡapicnam pimi tsami. Accaami en la lista jém nasnewiip sesenta iamḡiy, jém tuñciypic aḡcoomyñe. ¹⁰No más accaami en la lista jém wítampic cunoytam, jém iwiaçsamneyajwiip jém ichixtam y jém iwipictsoḡpaap iticciim jém juumipic pixiñtam. Jém yomo icuyoxap jém Dios ipixiñtam, iyoxpátpaḡim jém yaachayajpáppic. Jém yomo iwatpa íḡmpiy jém wítampic cosa.

¹¹Odoy accaami en la lista jém mañcunoytam jém ďapicnam tsami. Porque ocmi cusúnáyoypa jém yomo, jáyíypa. Ichacpa jém tánOmi Cristo iyoxacuy. ¹²Jesic táñcaíy jém yomo porque ďa iccupac juuts ijíycámayñe Dios. ¹³Jém mañcunoytam agui cutíñap iyoxa. Iwíañjam iga joypa yíim jeexic tiganjom. Agui icujíypa jém itíwítam, iñmatpa puro migooyi. Iñmatpa jém cosa ďapic wítam. Iodañchíyipa jém itíwítam. ¹⁴Ich anímpa más wí iga jém mañcunoytam jaayíyñ eybic iga iniidiñ ichíxtam y iwadiñ cuenta jém itic con imanictam. Jesic jém tánenemigoyaj ďa wiap tamalnímáy. ¹⁵Porque algunos jém cunoytam ichacne jém Dios iñmaťi, itúnjyyajpa jém Wocciwiñ inquímayoooyi.

¹⁶Siiga algunos jém tantíwítam iniit tım cunoyta iticciim, nímaayi iga imatspaguiñ y ichiñ itımpiy iwıccuy. Jesic los de más, jém icupicneyajwiip Jesús, ďa iwatyajpa gasto. Wiap iyoxpátyaj jém nunta cunoyapigam jém iñuntacutımpigam.

¹⁷Siiga jém pastoryaj wiap injacyaj jém Dios ipixiñtam y siiga pımi yoxayajpa iga iñmatyajpa jém Dios iñmaťi, jesic Dios ixunpa iga tanjıyojpa. ¹⁸Porque nımpa jém Dios iñmaťi iga: “Odoy quíñañjupı jém iñxix cuando iñepnepcotspa jém trigo iga iñtobáypa jém ipac.” Nımpatım jém Dios iñmaťi iga: “Jém yoxaciwiñ wı iga ipıctsoñiñ jém iconwıyooyi.”

¹⁹Odoy naquímaayi iquejaj tım pıxiñ siiga iquejajwadáypa tım

pastor siiga ďa iniı wısten o tucuten testigo. ²⁰Pero siiga táñcaíy jém pastor, jesic wogaayi jém Dios ipixiñtamanjom iga imatonyajiñ. Jesic cınyajpa itımpiy iga iwatpa jém táñca. ²¹Siip cupıci juuts mannímáypa porque tanjodoj iga taixtámpa tanJatuj Dios y tánOmi Jesucristo con jém sınyucmıpic pıxiñtam. Siiga imalwatpa tım jém tánamigo, jesic tanjogáypatım. Tanjıpiñpa parejo porque ďa wı iga tananjámáypa itáñca. ²²Pero cuando incupiñpa tım pıxiñ iga iniccámpa juuts tım pastor, jesic chocoymi cuaami hasta impátpa tım pıxiñ wıbic. Porque siiga imalwatpa jém pıxiñ, mich iniit la culpa. Cuidado iga mitáñcaıypatım mex mich.

²³Siip miTimoteo, como siempre toypa impuu, ďa no más naps ni iñucpa, ucıtim uxaj jém vino iga mıpıxiñ porque mich siempre mimimne.

²⁴Cuando incupiñpa jém pıxiñtam iga iwatpa jém Dios iyoxacuy, algunos quejpa iga táñcaíy, jesic je ďa tampıcpa. Pero algunos ďa quejpa iga táñcaíy hasta tanjıpiñpa, jesigam quejpa iga táñcaíy. ²⁵Jesapıtım it algunos jém pıxiñtam agui wıquejpa iga iwatpa jém wıtampıc cosa. Pero itıtım algunos jém iwatpáppıc jém wıtampıc cosa y ďa jobıt quejpa. Pero ocmi wıquejpatım.

6 Itımpiy jém esclavopic, jém icupicnewiip Dios, wı iga iniıdıyñ respeto jém iomi, iga iwıxiñ. Jesic ďa i imalnímáypa jém tanJatuj Dios y jém inquímayoooyi. ²Siiga jém esclavo iomi icupıcpatım

Dios, jesic *da wí* iga *ijóyixiñ* porque jém *iqomi tsíyum juuts tum ífiwi*. Más *wí* iga jém esclavo *iwicuyoxap* jém *iqomi* porque *icupicpařim*. Siiga *iwicuyoxap*, jesic más *wíiřpa* jém *iqomi*, jém *ifoypáppic*. Siip, miTimoteo, *aņquejaayi* jém *tantiwitam ířumpiy yípyaj* cosa, *yoxpaati* iga *iwatyajiñ* juuts *ixunpa* Dios.

Jém nunta numapic riqueza

³Pero *íř* algunos jém *pixiñtam* *inimiñpa* *tungac aņquímayooyi* jém *đapic wí*. Jém *aņquímayooyi* *da jex* juuts jém *tánQmi* Jesucristo *inquímayooyi*. *Yíp* *tungac aņquímayooyi* *da taņquejáypa* juuts *ixunpa* Dios. ⁴Pero *da jixiřy* jém *pixiñ*, jém *inimiññewiř* jém *tungac aņquímayooyi*. *Agui nacujřtap*. *Agui aņatooba*. *İņacatooba* jém *inquímayooyi* hasta casi *locojap*. Cuando *íř* *yíp* *malopic jixi*, *agui nacunařyaytap*. *Agui iwianřam* iga *aņayajpa* jém *pixiñtam*. *Třam namalmalnímayyaptap*. *Imalcujřsyajpa* jém *ířiwitam*. ⁵*Yípyaj* *pixiñtam* siempre *ictsucumpa* jém *pleito*. Puro *migooyi inisiřba*. *Třam iniřyay* jém *malajixi iņanamaņjom*. *Iwattooba* jém Dios *iyoxacuy* no más iga *ricojaiñ*.

⁶*Numa* *taricojap* siiga *taņcupicpa* jém Jesucristo *inquímayooyi* siiga *da taņcusúníyáypa* *tungac pixiñ imiřchi*. ⁷Cuando *matannay* *da ři tanamiñ*. Y cuando *tacaaba* *đatim ři tananicpa*. ⁸Siiga *tanaif taņwícuy* y *tampuctucu*, jesic *tamaymáyařiñ*. ⁹*Da wí* *tum pixiñ* siiga *icusúníyapa* *jaņay* *tumiñ* porque *wiřap icmalwat*

jém *Wocciwiñ*, *da* *ichacpa* jém *malopic ijixi*. *Třam icusúníyapa* *watí* jém *malopic* cosa. Jesic *da wí* *řpa* jém *pixiñ*. *Togoypa ianama*. *Da nicpa ři* con Dios. ¹⁰*Da wí* iga *taņcusúníyapa* *jaņay* *tumiñ*. *Jexřic jixi* juuts jém *malopic řichic*, *ictsucumpa* *ířumpiy* jém *malopic* cosa. Algunos *řam icusúníyapa* jém *tumiñ* hasta *ichacpa* jém Dios *inřatí*. *Jexřic* *pixiñ* *iyaac* *naccoowatap* con jém *mijřic aņyaaqui*.

Wí iga taņwattámiñ Dios iyoxacuy con ířumpiy tanjixi

¹¹Pero *mich* miTimoteo, Dios *mipixiñ*. *Cuidado* iga *inřwatpa* jém *malopic* cosa. *Mich* siempre *watí* jém *wiřic* cosa juuts *ixunpa* Dios. *Cupic* iga Dios *wiřap* *iwat ířumpiy* cosa. *Toyí* *ířumpiy* jém *pixiñtam*. Siiga *pimi* *mimalwadayřap*, *odoy* *řaci* jém Dios *inřatí*. *Ponwatí* *řnanama*, jesic *quejpa* iga *da* *mimalo*. ¹²*Watí* con *ířumpiy inřjixi* juuts *ixunpa* Dios. *Wícupic* jém Dios *inřatí* iga *impicřonjñ* jém *vida* jém *đapic* *cuyajpa*. *Jeeyucmi* Dios *micupin* iga *michiřba* *jexřic* *vida*. *Jiři* cuando *iniņmadáy* jém *tantiwitam* iga *moj inřcupic* jém Cristo. ¹³*Jiři* iga Dios *tachiřne* *vida* *tantumpiyřam*. *Jiřifim* iga *da cįřpa* jém *tánQmi* Jesucristo cuando *aņwejayřa* jém *Pilato iwiņjom*. *Siř* *taifřa* *taņatay* Dios *iwiņjom* y *tánQmi* Jesucristo *iwiņjom*. *MiTimoteo*, *mannímáypa* iga ¹⁴*watí* juuts *nimpa* jém Dios *inquímayooyi* hasta jém *jama* cuando *miņgacpa* *yíp* *naxyucmi* jém *tánQmi* Jesucristo. Jesic *da ři* *wiřap* *miřímáy*

iga miŧaŋcaŧy. ¹⁵Cuando núcpa jém tiempo iga Dios ixunpa, cutsattap eybíc jém Jesucristo yíp naxyucmi. Itumpiy jém pixiñtam icujípyajpa jém tanJatuj Dios porque je jém más mijpic anjagooyi que itumpiy. Dios injacpa itumpiy jém reyyaj, injacatim itumpiy jém anjagooyiyaj. ¹⁶Solamente jém tanJatuj Dios ďapic nunca caaba. Jut í Dios, agui pimi tsoepa jém jucti, ďa i wiap icunúc. Ďa i nunca iix tanDios y siip ďatim i wiap iix. Tsam tanjucjítampa porque je ďa nunca yajpa jém ipimi. Yíbam jém numapic aŋmaŧi. Amén.

¹⁷Nímaayi jém ricopic pixiñ iga odoy nacujíptaiñ y odoy ijixiñ iga wiap iwat itumpiy cosa con ítumiñ porque wiap iyaj jém ítumiñ. Más wi iga icupiguñ Dios porque Dios tachiiba itumpiy jém wibíc cosa iga tamaymáyp. ¹⁸Nímaayi

jém ricopic pixiñ iga iwadiñ jém wítampic cosa con ítumiñ. Nímaayi iga iyaachanjaamiñ jém yaachayajpáppic iga ichiiyajiñ íítam ífogóyáy. ¹⁹Siiga jempigam iwatyajpa, jesic iniítpa jém siŋyucmipic riqueza jém ďapic yajpa. Jesic ocmi ipictsoŋpa jém vida iga nicpa íti con Dios.

Aŋquímŧap jém Timoteo

²⁰MiTimoteo, wati cuenta jém Dios iŋmaŧi jém impictsoŋnewiip porque ít jém pixiñtam nimaaypa iga sabioyaj, pero puro migooyi inisiiba. Jém migooyi ďa tayoxpátpa iga taŋwatpa juuts ixunpa Dios. Mich odoy túŋhiyi jexpic migooyi. ²¹Algunos icupicyajtooba idíc jém wibíc aŋmaŧi, pero jexpic migooyi ictsacpa jém Dios iŋmaŧi.

Siip miTimoteo, iniídiñ Dios ífóyooyi. Amén. Jemum cuyaj.